

Date – 27/01/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Larsap Gen. Rtd Vijay Kumar Singh-an kawngpui chhia chu a hmunah tlawhin, hmasawn theih nan hmalak a tum thu a sawi.
2. MLA Dr K Beichhua an Mizoram châk lakna pui ber kawngpui chu sorkar lai ZPM in a ngaihsak loh chuan Mizoram mipui ten kawngchhiat avangin nasa takin harsatna an tawk dawn a ti.
3. Uttarakhand chu ramchhunga Uniform Civil Code ataka hmang hmasa ber a ni.
4. Prime Minister Narendra Modia chuan vawiinah New Delhi-a Cariappa Parade Ground-ah National Cadet Corps (NCC) PM Rally a hmanpui..

<><><>

GOVERNOR

Larsap Gen. Rtd (Dr) Vijay Kumar Singh-an kawngpui chhia chu a hmunah tlawhin, hmasawn theih nan hmalak a tum thu a sawi.

Larsap in a sawm angin vawiin khan tlawmngai pawl CYMA, MZP leh MHIP hruaitute a kawm a, Central YMA President Pu Lalhmachhuana leh hruaitu dangte chuan Raj Bhavan ah Mizoram Larsap hi an kawm a, Larsap chuan Mizo khawtlang nunah YMA pawimawhna leh a hnathawh te a lo hriat tawh thu leh Mizoram leh Mizo khawtlang nun siamthat kawnga theihtawp chhuah zel turin Central YMA hruaitute chu a sawm a.

Central YMA hruaitute hian NGO Darpan Portal chungchanga harsatna an neih te siamrem a nih theihna tura hma lak sak turin an ngen a. India Constitution 8th Scheduled a Mizo tawng dah ve a nih theihna tura hma lak pui tur leh hemi chungchanga Prime Minister hnena lehkha an siam chu thehluh sak turin an ngen nghal bawk.

An inkawmnaah hian Mizoram leh state dang inkalpawhna kawngpui tha hlei thei lo chungchang te sawiho a ni bawk a, Larsap hian Mizorama a awm chungga inkalpawhna kawngpui in hma a sawn theihnana tan lak a tum thu leh a hmunah tlawh a tum thu a sawi a ni.

Vawiin vek khan Larsap hi MZP hruaituten hmu in Governor hnenah hian, Free Movement Regime (FMR) leh ramri hung chungchanga MZP ngaihdan an hrilh a. Hnam khat, chi khat, unau ramriin a thendarh te insuihkhâwm chu MZP hmathlir a nih mek laia, zalen taka inkalpawhna tih tawp a ni leh ramri hung tumna MZP in a duh loh thu an hrilh a. Larsap chu

Union Home Minister Amit Shah hnena hemi chungchanga MZP lehkha thawn tur an hlan a ni.

<><><>

PADMA AWARD

Ministry of Home Affairs in Padma Award dawng tura a thlan Pu R. Lalrawna chuan Padma Award dawn chu chawimawina ropui tak anih thu sawiin amah thlangtute chungah lawmthu a sawi.

(Byte...R. Lalrawna)

Akashvani News Aizawl nen an inkawmna ah he thu hi sawiin Pu R. Lalrawna chuan Padma Award dawng thei tura chhawpchhuah ani chu lawmawm atih thu sawiin a rin loh lama chawimawina a dawng tur chu a lawmthu a sawi.

Pu R. Lalrawna hi kum 85 mi niin Electric Veng, Aizawlah a cheng a, thu leh hla lama a thawh hlawk avangin Padma Shri hi dawng tura thlan a ni a, Ministry of Home Affairs chuan Padma Award chi thum dawng turte chu January ni 25 zan khan a tichhuak a, Padma Vibushan dawng turin mi pasarih, Padma Bhusan dawng turin mi 19 leh Padma Shri dawng turin mi 113 thlan an ni.

Padma Shri dawng tura thlan 113 zingah Pu R. Lalrawna hi a tel a, a dawna tur chu Literature and Education huangah a ni a, kumin hun remchangah President Droupadi Murmu in a hlan dawn a ni.

R. Lalrawna hi ziakmi niin lehkhabu eng emaw zat a tichhuak tawh a, thu leh hla lama a thawh hlawk avangin chawimawina a dawng nual tawh a, nikum khan Bhasav Samman Award (Sahitya Akademi) a dawng a, A lehkhabu ziah zinga Khawnglung Rûn chu Matric zirlai ah hman mêk niin lehkhabu lehlin Davida chu Translation Book of the Year atan thlan a ni bawk.

<><><>

LAD MINISTER

Local Administration Department changtu Minister Pu C.Lalsawivunga'n inthlannaah sawrkar sum a kalral nasat thin avang leh mipuiten an tawrh loh theih dan ber tur ngaihtuahin sawrkar chuan inthlan hun a puang hma a a, hetihlaia High Court-a khin an ni chu vanduaithlak a ti.

He thu hi vawiina ZPM Party chhung inkhawm a hmanpui na ah sawiin LAD Minister chuan Sawrkar kum thar lo awm turah inthlan pawimawh tak tak pali hmachhawn tur a awm a ti a, August-ah Village Council, September-ah Local Council, November – December-ah LADC, bakah kum 2026 ah AMC inthlan a lo awm leh dawn a ti a, inthlan chu a hautak avang leh sawrkar sum a kalral nasat thin avangin Village Council leh Local Council inthlan chu sawrkarin an sawn hma tih a sawi.

Pu C.Lalsawivunga chuan ZPM sawrkarin Zoramini a hriat reng tawh tur a hnutchhiah chho zel a ti a, sum renchem thiam leh a hmanna tur dika hman a pawimawh tih sawiin Sawrkar hmasate hnathawh siamthat ngai leh ennawn ngai tam tak awmte a tul anga hma lain an siam tha chho zel tih a sawi bawk.

<><><>

COMT ON FIRE PREVENTION

State level Committee on Fire Prevention vawiina thukhawm chuan kum 2025 atana lo hal ni hnuhnung atan March ni 15 a ruat a, Lengpui leh a chhehvela lo hal tur te chuan hemi ni tlai dar 3 leh chanve hnu lamah chauh hal tan turin an rel bawk.

Vawiina State level Committee on Fire Prevention thukhawm chuan District zawng zawnga kangmei ven kawnga hmalaknate zirho ni se an ti a, Kangmei ven kawnga mipuite inzirtirna leh chumi atana kawng hrang hranga hmalak dan tur chungchang bakah kangmei ven kawnga ti thate chawimawidan tur an ngaihtuah a ni.

Thutkhawmah hian Kumin Fire Prevention Week thupui atan 'Ram tikang lo tura tan kan lak hian hma hun eng zawk kan insiam a ni "We care for future if we care not to cause fire" tih thupui chu pawm niin hei hi kumin February ni 10 atanga March ni 15 inkara hman turin a rel a, Kangmei ven kawnga hma la tha khua leh District-te hnenah lawmman hlan tura rel niin, henga thlan chhuahte hi pakhatnain cheng sing 5, Pahnihain cheng sing 3 leh Pathumnain cheng sing 2 dawng tura ruahman a ni.

<><><>

BJP

MLA Dr K Beichhua chuan Mizoram châk lakna pui ber kawngpui chu sorkar lai ZPM in a ngaihsak loh chuan Mizoram mipui ten kawngchhiat avangin nasa takin harsatna an tawk dawn a ti.

BJP Mizoram Karthar Inhlanna leh Political Session, State President Pu Vanlalhmuaaka kaihhruaia vawiina neihah thu sawiin Dr Beichhua chuan National Highway 06 dinhmun chu Titanic lawnglian nen tehkhinin Titanic khalhtu in a hmalama Vur tlang sut tur a awm thu wawi thum lai an hrilh hnu ah pawh, a ngaihsak tha duh lova, chhiatna nasa tak a thleng ang khan, Mizoram châk lakna pui ber kawng pawh reilo te ah Vur sut tur awm a, tun ang mai maia ngaihsak a hlawh lo a nih chuan, Vur tlang sut ang tho khan Mizoram mipui ten kawngchhiat avangin nasa takin harsatna an tawk dawn tih Warning an pe duh a, Mizoram mipui te'n harsatna lian zawk an tawh loh nan an thurawn pek chu awih a, hma la turin an ngen a ni," a ti.

Pu Beichhua chuan Mipui lam pawh thal lai a nih vanga ngawi mai mai lovin, fur laia ngaih pawimawh ang aia nasa zawk hialin kawngpui siam that a nih theih nana Sorkar au eih turin a sawm bawk tih a sawi bawk a ni.

He inkhawma tarlan anih danin, VC/LC Election lo awm turah BJP Mizoram chuan Seat 195 a chuh dawn a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

MNF TREASURER

MNF Treasurer, Pu Lalruatkima chuan ZPM sorkar chuan mipui sorkar ni lo, party sorkar sawhngheh an tum avangin inthlan hun pangngai nghak thleng ngam lovin, VC leh LC inthlan chu hnawhsarum takin a puang a ti.

Vawiina Mizo Hnam Runa MNF party inkhawmah MNF Treasurer Pu Lalruatkima chuan VC leh LC-te term ding lai ZPM sorkarin thla 6 chuang zetin a pawt tawi a, dan kalha a hun hmaa inthlanna a buatsaih lui tur chu mipui rorelna kalphung zah lohna leh pawngsualna nasa tak a ni a ti a, VC leh LC inthlan-ah Education department hnuuia zirtirtute chu a buai ber tur an ni a, zirna in tam tak inthlan nan hman a ni dawn a, inthlan chu HSLC leh HSSLC exam tan dawn tep a nih avangin, zirtirtute leh zirlaite tana boruak dang siam a ni chu ZPM sorkarin zirna a ngaihthahzia tichiangtu a ni a ti a, Sorkar thuneihna hman sualna pawt tak, zirlaite tawrhna thleng tur pawisak lohna a nih avangin, VC leh LC inthlanna neih turah mipuiten zirlaite thlavang hauha lantir nan, MNF Candidate-te hnehna an chantir a ngai a ni a ti bawk.

Voicecast Juliana Lalmuanpuii

Village Council term pawh tawi chungchangah hian High Court chuan Mizoram sawrkar chu January ni 23 hmaa insawifiah tura a hriattir angin Mizoram sawrkar chu a insawifiah tawh a, LAD Department hotute sawi danin ziakin Para Wise Comment an pe a, Mizoram sawrkar an insawifiah hnuah Court hian hemi chungchang hi ala ngaihtuah lo nia hriat a ni.

<><><>

UCC

Uttarakhand chu ramchhunga Uniform Civil Code ataka hmang hmasa ber a ni. He dan thar hmang hian inneih, inthen leh rokhawm chungchangah dan khat hnuaiyah an kal tawh dawn a. Scheduled Tribe te erawh a huam lo a. Mimal dan hrang hrangte a aia tha zawka kalpuia mitinin chanvo inang an neih theihna turin UCC chu kalpui a ni dawn a. Kum 2022 Uttarakhand assembly inthlan campaign-a BJP auhla ber a ni a. He an intiamna avang hian Assembly ah term hnihna atan thlan tlin leh an ni.

Kan corr report ilo ngaihthlak chhonzawm ang u.

<><><>

PM

Prime Minister Narendra Modia chuan vawinah New Delhi-a Cariappa Parade Ground-ah National Cadet Corps (NCC) PM Rally a hmanpui a. Vawiina NCC PM Rally-ah hian thupui atan Yuva Shakti, Viksit Bharat tih hman a ni a. Cadet 800 chuving hnam ziarang pholang thei thil an tarlang a. Ram hmasawna tura NCC te hnathawh tarlan a ni ang.

<><><>

EAM IN UAE

Vawin khan ni thum cham turin External Affairs Minister Dr.S.Jaishankar-a chuan UAE a pan. He hunah hian Dr.Jaishankar-a chuan UAE hruaitute nen thawhona tha zawk a awm theihna tur leh bung htar kaina tur awmte ngaihtuah ho turin an thukhawm dawn tih External Affairs Ministry chuan thuchhuah siamin a tarlang a. Ram pahnihte inkara

**thawhdunna Comprehensive Strategic Partnership tihmasawn zelna tur
inlaichinna sawhnghehna tur hun remchang tak a ni dawn tih a tarlang bawk a
ni.**

<><><>